


Prioritet vlasti u Brčkom mora biti Brčko Distrikt



Prvi zamjenik visokog predstavnika i supervizor za Brčko Distrikt Michael Scanlan prisustvovao je prezentaciji aktivnosti na uklanjanju mina u Brčkom povodom Međunarodnog dana svjesnosti o opasnosti od mina i pomoći u protuminskom djelovanju. Ovaj događaj je podcrtao da je Distrikt na putu da bude potpuno očišćen od mina do 2024. godine.

U tom kontekstu, supervizor pozdravlja činjenicu da je Vlada Distrikta kroz proljetni rebalans budžeta namijenila dodatnih 400.000 KM kako bi se ispoštovao rok za deminiranje. Scanlan također pozdravlja primjenu novih transparentnih procedura u procesu rebalansa budžeta pomoću kojih će se ojačati integritet samog procesa. Transparentan proces usvajanja je prvi od mnogih koraka koji su neophodni za uspostavu ciljane i odgovorne javne potrošnje – kako bi svaka marka bila potrošena na potrebe zajednice, te nijedna izgubljena zbog korupcije ili upitnih grantova i podsticaja u poljoprivredi i drugim oblastima.

Supervizor podsjeća vlasti u Brčkom da trebaju ostati fokusirani na reforme i da se ne upuštaju u polemike oko trenutne političke krize u BiH ili oko predstojećih opštih izbora. To je opredjeljenje koje su brčanski lideri izrazili u svojoj pohvalnoj zajedničkoj izjavi iz decembra. Supervizor očekuje od lidera da ispuštaju to opredjeljenje, te da svi drugi izabrani zvaničnici slijede taj primjer, bez obzira da li su u vladajućoj većini ili u opoziciji.